



Avizu Privacidade – Smart4Hearing

Objetivu

Avizu privacidade ida ne'e fó sai kona-ba oinsá ema prosesa informasaun pesoál sira iha atendimentu Smart4Hearing (S4H), ho objetivu atu fornese Programa Ezaminasaun Tilun ba Bebé foin Moris iha Irlanda Norte.

Programa Ezaminasaun Tilun ba Bebé foin Moris (NHSP) oferese ezaminasaun tilun imediata ba bebé hotu ne'ebé foin moris iha Irlanda Norte. Objetivu husi programa ne'e mak atu identifika sedu bebé sira ne'ebé moris ho defisiensia tilun ne'ebé permanente (PCHI), atu bele iha intervensaun sedu no hadi'a nia rezultadu.

Saida mak rekizitu atu partisipa iha programa ne'e?

Sira ne'ebé iha responsabilidade parental presiza fornese autorizasaun atu sira-nia bebé hola parte iha NHSP.

Ezaminasaun tilun ba bebé foin moris ne'e rekomenda ba Ita-nia bebé; maske nune'e Ita bele kontaktu Ita-nia Koordinator Ezaminasaun Tilun Bebé foin moris iha Ita-nia Fidusiáriu HSC iha kualkér tempu atu kansela Ita-nia autorizasaun, hodi uza ligasaun tuirmai:

https://www.publichealth.hscni.net/sites/default/files/2023-01/Contact%20details%20for%20Screening%20Offices_Apr22.pdf

Informasaun saida mak ami sei foti?

Ami foti de'it informasaun hirak ne'ebé ami presiza, atu fornese, kontrola no asegura qualidade programa ida ne'e. Ida ne'e sei inklui, ezemplu, Ita-nia bebé nia naran, data moris, jéneru, número saúde no kuidadu ka número ospital, enderesu no Ita-nia naran no detalla kontaktu. Ami mós sei foti dados ne'ebé iha relasaun ho saúde inklui rezultadu ezaminasaun tilun ba Ita-nia bebé, informasaun sira kona-ba forma deonda, referral no diagnóstiku sira.

Ita hetan ha'u-nia bebé nia dados sira husi ne'ebé?

La kleur depoizde labarik ida moris, dados husi bebé hotu ne'ebé moris iha Irlanda Norte rejista hotu iha Sistema Maternidade Irlanda Norte (NIMATS). Oras ne'e, konteudu husi sistema ida ne'e automatikamente importa informasaun demografiku ba iha Sistema Saúde Labarik, ne'ebé mak hetan detalla sira husi kualkér labarik sira ne'ebé muda mai iha Irlanda Norte husi fatin seluk. 'Konteudu registrasaun' ne'e upload informasaun sira ne'e husi CHS ba S4H (ho ligasaun elektroniku ida).

Karik Ita fó sai ha'u-nia bebé nia detalla pesoál ba ema seluk?

Sim. Atu ajuda ami hodi fornese kuidadu no atendimentu mázimu ba Ita no Ita-nia bebé, dala ruma ami presiza fó sai Ita-nia informasaun ho entidade saúde sira hanesan Planu Estratejiku no Grupu Dezempeñu (uluk ho naran Konsellu Asisténsia Saúde no Sosiál), atu informa servisu dezenvolvimentu, GPs, Vizitante Saúde sira no profisionál seluk ne'ebé relevante.

Tansá mak Ita prosesa ha'u-nia bebé nia informasaun pesoál?

Ami sei foti dados sira ne'e atu oferese no kompleta ezaminasaun tilun ba bebé foin moris sira, hodi haktuir rekizitu regulamentu no governansa.

Atu fó apoiu ba monitorizasaun dezempeñu programa ne'e, garantia qualidade ba programa ne'e no supervizaun aderénzia ba padraun ne'ebé konkorda iha nasional, S4H sei rai dados sira husi bebé hotu ne'ebé elijivel (ezemplu, bebé sira ne'ebé moris iha N.I. ka muda mai N.I. ho idade até loron 182) no ema sira ne'ebé iha responsabilidade parental.

Ho nune'e S4H sei rai dados husi sira hotu ne'ebé hetan ezaminasaun tilun bebé foin moris nian; inklui mos sira ne'ebé hola parte, la aseita, dada-an, la atende ezaminasaun ida ne'e.

Rekezitu Prosesamentu

Atu bele prosesa Ita-nia informasaun pesoál ami presiza iha baze legál ida atu halo ida ne'e. Legalidade husi prosesamentu ne'e determina husi regulamentu EU GDPR

- Ártigu 6(1)(e) Funsau Públiku ne'ebé dehan katak *'prosesamentu ne'e nesesariu ba dezempeñu funsau ne'ebé hala'o iha interese públiku ka kuandu ema ezerse autoridade ofisial ne'ebé fó sai iha kontroladór'*
- Ártigu 9(2)(h) prosesamentu nesesáriu ba medisina preventivu, provizaun saúde ka kuidadu sosiál ka tratamentu ka jestaun sistema saúde a kuidadu sosiál.

Karik Ita transfere ha'u ka ha'u-nia bebé nia dados ba rai seluk?

Sim. Dados ne'ebé relevante bele fahe ba profisionál saúde ne'ebé apropiadu, porezemplu, iha Republika Irlanda (RoI) ka país seluk iha UK, wainhira ezaminasaun tilun bebé foin moris nian seidakompleta ka sei presiza follow up. Porezemplu, iha kazu bebé moris iha Irlanda Norte maibé nia rezidénsia iha RoI.

Fahe dados ho país UK seluk ka RoI sei **hala'o de'it kuandu nesesáriu**, atu fasilita hodi kompleta ezaminasaun tilun bebé foin moris.

To'o wainhira mak Ita sei rai ha'u-nia dados pesoál sira?

Tinan 25, tuir ami-nia Planu Retensaun no Disposisaun no matadalan espesífiku ne'ebé fó sai husi Departamentu Saúde Irlanda Norte.

Saida de'it mak ha'u-nia direitu sira?

- Ita iha direitu atu hetan konfirmasaun katak ema prosesa hela Ita-nia dados, no asesu ba Ita-nia dados pesoál
- Ita iha direitu atu hadi'a Ita-nia dados pesoál se ida ne'e la loos ka la kompletu
- Ita iha direitu atu 'blokeia' ka impede prosesamentu ba dados pesoál, iha sirkunstánsia ne'ebé espesífiku.
- Ita iha direitu atu rezeita prosesamentu dados, iha sirkunstánsia ne'ebé espesífiku.

Se Ita hakarak atu ezerse direitu sira ne'e balun favór kontaktu Ita-nia Koordinator Ezaminasaun Tilun Bebé foin moris iha Ita-nia Fidusiáriu HSC hodi uza ligasaun tuir mai:

https://www.publichealth.hscni.net/sites/default/files/2023-01/Contact%20details%20for%20Screening%20Offices_Apr22.pdf

Oinsá mak ha'u sei halo reklamasaun se ha'u la satisfeitu ho aspeitu ruma iha Avizu Privasidade ida ne'e?

Ise Ita ka satisfeitu ho aspeitu ruma husi avizu privasidade ne'e, ka ho oinsá ami prosesa Ita ka Ita-nia bebé nia informasaun pesoál, entaun favór kontaktu Pesoál Protesaun Dados iha Ita-nia Fidusiáriu nia laran hodi uza ligasaun tuir mai:

https://www.publichealth.hscni.net/sites/default/files/2023-01/Trust%20Data%20Protection%20Officers_Nov%2022.pdf

Se Ita seidauk satisfeitu nafatin, Ita iha direitu atu halo reklamasaun ba Eskritóriu Komisariu Informasaun (ICO): Wycliffe House, Water Lane, Wilmslow, Cheshire, SK9 5AF. Tel: 0303 123 1113. Email: casework@ico.org.uk
<https://ico.org.uk/global/contact-us/>
<https://ico.org.uk/concerns/handling/>

Alterasaun ba ami-nia Avizu Privasidade

Avizu Privasidade ida ne'e sei hetan avaliasaun regular no informasaun foun sei fó sai iha ami-nia sítiu internet.